



UNIVERSITETI I EVROPËS JUGLINDORE
УНИВЕРЗИТЕТ НА ЈУГОИСТОЧНА ЕВРОПА
SOUTH EAST EUROPEAN UNIVERSITY

Study program **Kriminalistikë dhe Siguri (2022/2023)**

Fakulteti	Drejtësia
Cikli i studimeve	Cikli i dytë (Pasdiplomike)
SETK	120
Kodi	/CS120
Titulli	Magjistër në kriminalistikë dhe siguri
Data akreditimit	17.12.2021

Përshkrimi i programit

Programi studimor synon të ofrojë një gamë të moduleve që do ta përfshijnë bazën e dijeve juridike për afrimin drejt profesioneve juridike dhe profesionet që lidhen me lëmin e kriminalistikës dhe sigurisë, dhe të sigurojë njohuri të fuqishme, të veçanta dhe sistematike për institucionet dhe konceptet e kriminalistikës dhe sigurisë, si dhe mbi gjendjen dhe perspektivën e tyre në rajon dhe botë

Karriera

Diploma e Fakultetit Juridik njihet nga Oda e Avokatëve dhe e Noterëve në RMV. Titujt profesionalë të avokatëve dhe të noterëve kërkojnë regjistrim formal në këto oda. Diploma e Fakultetit Juridik u mundëson studentëve një qasje në organet shtetërore, sidomos në organet gjyqësore si: gjyqësia dhe prokuroritë publike. Fakulteti Juridik ka nënshkruar marrëveshje bashkëpunimi me Akademinë për Trajnimin e Gjykatësve dhe të Prokurorëve Publikë në RMV. Studentëve që do të kenë ambicie të merren me punë hulumtuese shkencore, Fakulteti Juridik i UEJL-së, u mundëson vazhdimin e studimeve të ciklit të tretë (studime të doktoratës). Studentët në këtë program, gjithashtu profesionalisht aftësohen edhe për të gjitha profesionet në fushën e sigurisë nacionale dhe ndërkombëtare, me theks të veçantë të ushtrimit të profesioneve në kuadër të organeve të sistemit të sigurisë në vend.

Rezultatet e të mësuarit

Njohuritë dhe të kuptuarit

- Ka njohuri të avancuara teorike dhe praktike mbi sistemin e sigurisë nacionale dhe i riprodhon njohuritë mbi qëllimet dhe standardet e sigurisë;
- Ka njohuri dhe kuptime specifike mbi masat dhe veprimet preventive dhe represive të sigurisë në kuadër të menaxhimit me situata të krizës dhe mbi prioritetet në fushën e sigurisë;
- Ka njohuri të detajuara mbi kuptimin dhe pranimin e parimeve themelore të etikës profesionale në fushën e sigurisë;
- Ka kuptim specifik mbi teknologjitë dhe metodologjitë e hulumtimit në fushën e sigurisë;

Aplikimi i njohurive dhe të kuptuarit

- I identifikon dhe i zbaton politikat, procedurat dhe rregullat në fushën e sigurisë;
- I identifikon dhe i analizon çështjet më komplekse në fushën e sigurisë, duke marrë pjesë aktivisht në të gjitha fazat e

- implementimit të politikave, të procedurave dhe të vendimeve në fushën e sigurisë dhe në krijimin e standardeve të sigurisë në organizata dhe institucione të fushës së sigurisë;
- I interpreton dhe i diskuton çështjet bashkëkohore komplekse, që ndërlidhen me rreziqet, sfidat dhe kërcënimet në fushën e sigurisë;
 - Formulon plane, raporte dhe dokumente strategjike në lëmin e menaxhimit me situata të krizës dhe të shfrytëzimit të teknikave e të mekanizmave kontrolluese të standardeve të sigurisë;
 - I zbaton njohuritë e përfituara nëpërmjet hulumtimit të procesit të zgjidhjes së çështjeve komplekse dhe praktike të sigurisë;

Aftësitë për të vlerësuar

- Merr vendime për zgjidhjen e rasteve më komplekse praktike nëpërmjet hulumtimit të krijimit të politikave, procedurave dhe vendimeve nga fusha e sigurisë;
- I vlerëson dhe i dallon standardet e sigurisë të organizatave dhe të institucioneve nga fusha e sigurisë;
- Ka mendim më të zhvilluar kritik përmes metodës së analizës dhe të krahasimit.

Aftësitë e komunikimit

- Përdor terminologji adekuate për çështje komplekse dhe specifike në sferën e sigurisë.
- Angazhohet aktivisht në argumentimin dhe në debatin shkencor.
- I përdor gjuhët zyrtare të universitetit dhe ka shkathtësi të avancuara të teknologjive të informimit në punën shkencore.

Aftësitë e të mësuarit

- Zhvillon rregullorë të punës kërkimore që përdoret në profesionin e tij.
- Zhvillon një praktikë të mësimit të vazhdueshëm, duke u angazhuar në trajnimin e personave që punojnë në shërbimet diplomatike-konsullore të shtetit.

Lista e lëndëve

Semestri 1

- [CM157] [6.0 SETK] **E drejta penale (program i zbatuar)**
- [MCCR1040] [6.0 SETK] **Kriminologjia**
- [MCSS1011] [6.0 SETK] **Kriminalistika e përgjithshme**
- [EM513] [6.0 SETK] **Kriminaliteti ekonomik**
- [6.0 SETK] **Lëndë zgjedhore**

Semestri 2

- [CM158] [6.0 SETK] **E drejta procedurale penale (program i zbatuar)**
- [MCCR2010] [6.0 SETK] **Penologjia**
- [MCCR3020] [6.0 SETK] **Krimi i organizuar**
- [EM511] [6.0 SETK] **Politika kriminale**
- [6.0 SETK] **Lëndë zgjedhore**

Semestri 3

- [EMSS3030] [6.0 SETK] **Kriminaliteti kompjuterik**
- [MCCR3010] [6.0 SETK] **Viktimologjia**
- [MCSS2030] [6.0 SETK] **E drejta policore**
- [MCCR1120] [6.0 SETK] **Metodologjia e hulumtimit**
- [6.0 SETK] **Lëndë zgjedhore**

Semestri 4

- [MCCR4010] [30.0 SETK] **Punimi i magjistraturës**

Description of courses

Lëndë obligative

- **E drejta penale (program i zbatuar)**

Qëllimi i kësaj lënde është që studentët të njihen me institutet dhe normat penale si dhe me parimet mbi të cilat është ndërtuar e drejta penale. E drejta penale si e drejtë pozitive është sistem normash me anë të së cilave sjellje të caktuara të njerëzve parashihen si vepra penale për të cilat vepra janë të parapara dënime dhe sanksione tjera shtrënguese nga ana e shtetit dhe janë përcaktuar kushtet dhe mënyrat e zbatimit të tyre.

- **Kriminologjia**

Qëllimi i kësaj lënde është të analizohet fenomenologjia dhe etiologjia e kriminalitetit. Në kuadër të kësaj lënde do të studiohen format e paraqitjes së kriminalitetit, dinamika, struktura si dhe faktorët që ndikojnë në paraqitjen e kriminalitetit. Do të studiohen faktorët e jashtëm, faktorët mikrogruporë, si dhe faktorët e brendshëm të kriminalitetit.

- **Kriminalistika e përgjithshme**

Përmes kësaj lënde studentët do të fitojnë njohuri të përgjithshme mbi shkencën e kriminalistikës. Kjo shkencë kontribuon në luftën kundër krimit, duke e zbuluar dhe parandaluar atë. Kjo lëndë, do të përpunohet në mënyrë teorike dhe praktike (përmes ligjëratave aktive, konsultimeve, literaturës së dhënë, diskutimeve me studentët, etj.). Qëllimi i kësaj lënde është që të përgatisë dhe trajnojë studentët për përdorimin e mjeteve dhe metodave kriminalistike të përdorura për zbulimin dhe sqarimin e krimeve dhe parandalimin e krimit.

- **Kriminaliteti ekonomik**

Qëllimi i lëndës është të njihë dhe analizojë dukuritë kriminale me karakter ekonomik, shfaqjen dhe karakteristikat e tyre, ndikimin negativ shumëdimensional, lehtësinë e zbulimit dhe dhënies së zgjidhjes, format më të shpikatura, si dhe institucionet që në mënyrë të drejtpërdrejtë dhe të tërthortë e luftojnë këtë krim.

- **E drejta procedurale penale (program i zbatuar)**

E Drejta e Procedurës Penale është disiplinë shkencore që i studion normat juridike, që rregullojnë pozitën e palëve, si dhe kompetencat e palëve dhe subjekteve tjera pjesëmarrëse në procesin penal, llojin, formën dhe kushtet për ndërmarrjen e veprimeve procedurale. Lëndë studimi është sistemi i mjeteve juridike-të rregullta dhe të jashtëzakonshme, si dhe procedurat e veçanta.

- **Penologjia**

Qëllimi i kësaj lënde është të analizohet mënyra e ekzekutimit të së drejtës penale, gjegjësisht ekzekutimi i sanksioneve penale. Lënda e studion procedurën e ekzekutimit të dënimit me burg, si dhe ekzekutimin e sanksioneve tjera përmes analizimit të Ligjit mbi ekzekutimin e sanksioneve dhe Ligjit për shërbimin e provës.

- **Krimi i organizuar**

Qëllimi i lëndës është që studentët të pasurojnë njohuritë e tyre mbi krimin e organizuar si nocion dhe fenomen i pranishëm në sfera të ndryshme shoqërore. Në këtë kontekst, do të analizohen elementet që përbëjnë situatën kriminale të karakterit të organizuar, korrupsioni, si faktor kyç që ndikon në këtë lloj krimi, masat e veçanta hetuese dhe të tjera që ndikojnë në zbulimin, dokumentimin dhe parandalimin e krimit të organizuar, si dhe roli i bashkëpunimit ndërkombëtar në luftën kundër krimit të organizuar.

- **Politika kriminale**

Në këtë lëndë studentët do të njihen me të gjitha masat parandaluese ndaj kriminalitetit, të parashikuara në sistemin e drejtësisë penale në vend dhe më gjerë.

- **Kriminaliteti kompjuterik**

Studentët do të fitojnë njohuri të avancuara mbi llojet më të reja të veprave penale që kryhen përmes kompjuterëve dhe rrjeteve të internetit si dhe me mënyrat bashkëkohore të parandalimit të krimit të tillë, që po zhvillohet gjithnjë e më shumë në shoqëritë e sotme digjitale. Do të analizohen krime të tilla si: mashtrimet kompjuterike, falsifikimet e softuerit kompjuterik, si format e tjera të abuzimit të internetit për qëllime kriminale etj. Do të analizohet legjislati vendor i posareformuar dhe ndërkombëtar dhe do të fitohen njohuri mbi standardet dhe rrjedhat botërore në këtë lëmi.

- **Viktimologjia**

Qëllimi i kësaj lënde është të analizohet në më tepër aspekte pozita e viktimës së veprës penale. Do të studiohet fenomenologjia dhe etiologjia viktimologjike, forma, vëllimi, struktura dhe dinamika e viktimizimit, si dhe faktorët e ndryshëm që ndikojnë mbi të.

- **E drejta policore**

Qëllimet e programit të lëndës nënkuptojnë, që studentët: - të fitojnë njohuri themelore lidhur me të drejtën policore, burimet e të drejtës policore, kornizën juridike, kompetencat e policisë dhe organizimin e brendshëm të policisë në RMV-së; - të kenë njohuri më të hollësishme për të drejtën policore në RMV-së, si dhe njohuri komparative për të drejtën policore në shtetet tjera; - ta kenë mendimin e tyre kritik; - të jenë në gjendje të bëjnë analizën dhe hulumtimin e koncepteve të veçanta si dhe ngjarjeve relevante për të drejtën policore; - të kenë aftësi për prezantimin e rezultateve nga hulumtimi i tyre, punën ekipore dhe debatet e realizuara; - të jenë në gjendje ta aplikojnë teorinë në rastet praktike në jetën e përditshme.

- **Metodologjia e hulumtimit**

Studentët do të jenë në gjendje: - T'i aplikojnë metodat kryesore juridike dhe metodat tjera hulumtuese. - Të mbledhin në mënyrë kritike dhe krijuese material kërkimor, që është relevant dhe që citohet nga autorët në mënyrë selektive në përgjigjet e tyre. - Ta kuptojnë vëllimin e procesit të hulumtimit dhe qasjen në metoda të ndryshme të kërkimit shkencor dhe të jenë në gjendje ato t'i kritikojnë. - Ta studiojnë përmes qasjes së avancuar raportin midis teorisë juridike dhe praktikës kërkimore. - T'i aplikojnë shkathhtësitë dhe njohuritë e mësuara në tezat e tyre.

- **Punimi i magjistraturës**

Kjo lëndë u mundëson studentëve t'i bartin shkathhtësitë dhe dituritë e tyre për hulumtimin dhe hartimin e e detyrës më të komplikuar – shkrimin të punimit të magjistraturës. Lënda është paraparë që tërësisht të jetë praktik dhe studentët t'i fitojnë dituritë dhe aftësitë, shkathhtësitë dhe besimin e nevojshëm që t'i qasen hulumtimit dhe shkrimin të tezës. Lënda ka vetëm një rezultat kthyes – t'u mundësojë studentëve ta shkruajnë tezën e magjistraturës me vështirësi minimale dhe me efektivitet maksimal. Gjithçka që është e paraparë të bëhet ka për qëllim përmirësimin e teknikave të hulumtimit dhe të stilit të shkrimin të tezës së magjistraturës, duke pasur kujdes me këtë rast për ndalimin e shërbimit me mjetet e palejueshme siç janë: plagjiatura dhe shkelja e të drejtave të autorit, që ndalohen me Statutin e UEJL-së.

Lëndë zgjedhore

- **Delikuenca e të miturve**

Delikuentët e mitur janë në lidhje të ngushtë edhe me fenomenet e tjera socio-patologjike, siç janë: narkomania, alkoolizmi dhe prostitucioni, dukuri që sot përhapen pothuajse në çdo vend në botë dhe për fat të keq, ato janë të pranishme edhe në vendin tonë. Prandaj, qëllimi themelor i kësaj disipline është të zbulohen dhe të evidentohen format e reja të kësaj dukurie kriminale dhe të shpjegohen shkaqet për praninë e tyre në mënyrë që të propozohen masat e duhura për parandalim dhe represion.

- **Mjekësia ligjore**

Aftësimi i studentëve me njohuri të avancuara për shkencën forenzike ndaj veprave penale kundër jetës dhe shëndetit të njerëzve, si dhe me terminologjinë themelore që paraqet udhëzimin kyç për koordinimin dhe komunikimin ndërmjet departamenteve hetimore dhe gjyqësore. Nëpërmjet këtij moduli, studenti, do të jetë në gjendje të formulojë kërkesa, urdhëresa dhe parashtrësia të tjera midis gjykatës dhe ekspertëve të mjekësisë ligjore për lëshimin e urdhrave për lëndim trupor, për ekspertime mjeko-ligjore, urdhra për identifikimin e personave të gjallë, të kufomave dhe mbetjeve skeletore.

- **Trafikimi me njerëz**

Trafikimi me njerëz është një formë e veçantë e krimit të organizuar dhe karakterizohet si skllavëri e ditëve të sotme. Ky tip serioz i krimit paraqet një shkëlqje të rëndë të të drejtave dhe lirive më thelbësore të njeriut, prandaj është i ndaluar dhe ndiqet në bazë të marrëveshjeve ndërkombëtare, me ligjet kombëtare dhe me mekanizmat e represionit. Qëllimi i kësaj lënde është t'i njoftojë studentët me aspektet teorike e praktike të avancuara të këtij fenomeni, duke analizuar konventat më të rëndësishme ndërkombëtare, ligjet dhe mekanizmat vendore në këtë fushë, si dhe me të kuptuarit e praktikës vendore gjyqësore, që kanë të bëjnë me rastet e trafikimit me njerëz. Qëllimi i programit të lëndës: - Përcaktimi i veprës penale tregti me njerëz; - Identifikimi i komponentëve të kornizës gjithëpërfshirëse të luftës kundër tregtisë me njerëz; - Vlerësim i sfidave kritike lidhur me çrrënjosjen e tregtisë me njerëz në shoqërinë globale.

- **Teknika dhe taktika kriminalistike**

Specializimi në këtë fushë është i nevojshëm, sidomos për kuadrin që do të punojë në organet e drejtësisë-gjykata, prokurori publike dhe në policinë gjyqësore. Kriminalistika, në thelbin e saj e ka legjislacionin penal material dhe procedural dhe aktet nënligjore që dalin prej tyre. Çdo figurë ligjore e veprës penale përfshinë përcaktimin e tërësisë së fakteve dhe të rrethanave që janë relevante për zgjidhjen e gjithanshme dhe të drejtë të rastit penal.

- **Dhuna në familje**

Dhuna në familje është një fenomen shoqëror me përmasa dhe shtrirje të gjerë edhe në shoqërinë bashkëkohore. Ajo është e pranishme në të gjitha shtetet e shoqëritë pavarësisht zhvillimit dhe emancipimit të tyre. Imune ndaj këtij fenomeni nuk është as vendi ynë e as rajoni në të cilin jetojmë. Andaj, studentët e drejtësisë përmes kësaj lënde fitojnë njohuri rreth asaj se çfarë është dhuna në familje, format në të cilat ajo manifestohet, rregullimet ligjore në vend, rajon dhe në sferën ndërkombëtare, si dhe mënyrat e parandalimit të saj. Përmes kësaj lënde, studentët në fund të lëndës, do të jenë në gjendje ta identifikojnë dhunën në familje, t'i identifikojnë veprat penale që inkriminohen në Kodin Penal si dhunë në familje, si dhe të zhvillojnë mendim kritik rreth kësaj problematike. Kjo lëndë e aftëson juristin e ardhshëm që gjatë ushtrimit të profesionit të tij si gjykatës, prokuror apo avokat t'i trajtojë në mënyrë sa më adekuate çështjet nga kjo sferë që kanë ndjeshmëri të lartë, si dhe të ofrojnë ndihmë dhe mbrojtje sa më adekuate për viktimat e këtyre veprave penale.

- **Kriminaliteti ekologjik**

Në këtë lëndë studentët do të fitojnë njohuri bazë për format e paraqitjes të kriminalitetit ekonomik, format dhe shkaqet e rrezikimit të mjedisit jetësor, karakteristikat e kryerësve të këtij lloji të kriminaliteti. Rëndësi të posaçme, do tu kushtohet studimit të veprave penale kundër kriminalitetit ekologjik, pasojave nga veprat penale ekologjike, aktivitetit të policisë në parandalimin e kriminalitetit ekologjik, masave taktike - kriminalistike dhe hetimore dhe aktiviteteve me qëllim të zbulimit të veprave penale që e shkatërrojnë mjedisin jetësor.

- **Kriminalistika e komunikacionit**

Në këtë lëndë, studentët, do të fitojnë njohuri bazë për kriminalitetin në komunikacion, fatkeqësitë në komunikacion, veprat e rënda penale kundër sigurisë së njerëzve dhe pronës në trafik, sigurinë dhe mbrojtjen në rrugë; parimet bazë si dhe raportet e ndërsjella të pjesëmarrësve dhe subjekteve të tjera në komunikacionin rrugor. Vëmendje të veçantë do t'i kushtohet studimit të metodikës së përpunimit të aksidenteve në komunikacionin rrugor, ajror dhe ujor.

- **E drejta penale e krahasuar**

Lënda i shqyrton sistemet penale të vendeve të ndryshme, përmes analizës sistematike të zgjidhjeve të ligjeve penale në kontekstin e kushteve dhe faktorëve ekzistues socialë, të tendencave zhvillimore, nivelizimit të legjislacionit penal, si dhe harmonizimin e tij me të drejtën penale në suaza të BE-së.

- **E drejta penale ndërkombëtare**

Pas përfundimit me sukses të lëndës, nga studentët pritet të kenë fituar njohuri solide mbi nocionet dhe lëndën e kësaj discipline, normat në DPN, mbi pushtetin represiv dhe juridiksionin e shteteve, mbi ekstradimin, azilin, transferimin e procedurës penale, bashkëpunimin dhe ndihmën penale juridike, korpusin ndërkombëtar të të drejtave të njeriut dhe juridiksionin të instancave ndërkombëtare penale.

- **Etika në kriminalistikë**

Qëllimi i lëndës është përgatitja dhe aftësimi i studentëve si kriminalistë të ardhshëm mbi zbatimin e njohurive kryesore të etikës, moralit dhe si t'i aplikojë ato në profesionin përkatës. Studentët, do të shtjellojnë edhe normat ligjore që e kufizojnë dhe mundësojnë sjelljen e tyre në situata të ndryshme në cilësinë e punonjësve në organet që luftojnë krimin.